



## **Universitätsbibliothek Paderborn**

**Centvriæ Selectorvm Casvvm Conscientiae. I. II. III.tia**

**Burghaber, Adam**

**Fribvrgi Brisgoiæ, 1665**

24. Fabivs' dispensatione ad initium Quadragesimæ propter morbum impetratâ vtitur per reliquum quadragesimæ tempus, etsi cessauerit causa impetrationis.

**urn:nbn:de:hbz:466:1-40942**

Ad rationem in contrarium dicimus, duobus modis seruire nos posse Deo ob mercudem temporalem vel æternam. Primo implendo eius præcepta. Secundo faciendo opera bona non præcepta; utrumque opus est seruile ac mercenarium, sed non utrumque malum. Cum Christus & SS. Patres reprehendunt opus mercenarium, reprehendunt prius illud, in quo omnis habitualis affectus abest seruandi præcepta etiam sine tali spe: non posterius, in quo nulla obligatio adest operis faciendi. Quod si istud etiam reprehendere videntur, non reprehendunt, tanquam verè malum, sed tanquam minus bonum ac perfectum; constat enim, quod perfectius sit, Deo seruire propter se, quam propter mercedem.

XXIV. Fabius ob morbum, in quem ad initium quadragesimæ incidit, rogat, impetratque dispensationem in ieiunio quadragesimæ. Sed mox post 14. dies integrè convalescit. Quæritur. An vi acquisitæ huius dispensationis per reliquum quadragesimæ tempus eximatur à lege ieiunij?

Videtur non eximi. Ita Sanch. L 8. de Matr. D. 30. n. 4. quem plures RR. sequuntur. Tum quia cessante causâ dispensationis reviviscit lex ad sui obligationem. Tum quia in dispensatione subintelligitur conditio, si causa permaneat; alias dispensans esset iniquus. Tum quia alioqui totâ vitâ non teneretur amplius Fabius ad ieiunandum.

Resp.

Resp. Fabium eximi à lege iejunij reliquā quadragesimā tempore. Ita Salas D. 20. de LL. 8. 6. in fine, plures alios allegans. Prob. Quia vniuersim dispensatio semel facta non est amplius revocanda, sicut nec iniuriæ remissio, ut habet Gloss. in c. ext tua. de Fil. Presb. V. initiare. & docent Pontius de Matr. L. 8. c. 20. n. 4. & plures alij DD. apud Bonac. de LL. D. 1. q. 2. pun. 10. §. 1. n. 5. Confirm. Lex semel destructa non redit absque voluntate Legislatoris. Sed si absolute dispensat, non vult redire legem, quamvis causa cesset, quis enim dicat, dispensatum in voto Castitatis ob graves stimulos carnis, ijs cessantibus, denuo obligari? Atqui cum Fabio fuit absolute pro hac quadragesimā dispensatum in iejunio, adeoque lex huius destruxit. Ergo &c.

Ad primum in contrarium patet ex dictis. Sed dicit Palao Tr. 3. D. 4. pu. 15. n. 6. & 7. hoc non procedere, si detur dispensatio successiva, ut fit in proposito. Verum dispensatio in proposito nō est successiva, sed solum eius usus, quod non obstat valori dispensationis bene ostendit Arriag. de LL. D. 30. n. 38. Ad secundum dicimus, illam conditionem non subintelligi, nec dispensantem esse iniquum, quia probabilitet indicauit, causam per totā quadragesimā duraturam. Ad tertium negamus sequelam, quia morali ac prudenti iudi-

cio nec Fabius potest putari, dispensationem pro totâ vitâ petuisse, nec Episcopus, aut Pontifex sic eam concessisse.

XXV. Felix Sacerdos nullis morbis, aut rerum negotijs impeditus longo tempore intra annum recitat officium de Resurrectione, breuissimum scilicet pro longioribus, cuius tanquam grauis peccati admonitus à confessario ait, se tenere sententiam Caramuelis in Reg. S. Benedicti D. 109. n. 1387. Vbi hoc pro veniali habet. Queritur. An confessarius huic pœnitentis opinioni tanquam probabili accommodare se possit, ac debeat?

Videtur posse, & debere. Tum ex autoritate Caramuelis allegata. Tum ex ratione, quia impletur substantia præcepti. Tum ex praxi virorum doctorum & piorum, qualem nemo dubitat fuisse P. Franciscum Suarez ex Societ. IESV. quem constanter orasse per totum annum Breviarium de resurrectione, sic ostendit Caratnuel. Suarez dicitur singulis diebus 18. horas studuisse; iam si ex reliquis sex horis necessarium prorsus tempus demus Sacro, refectioni, somno, & alijs, vix tantum remanebit, quantum requiriatur ad officium Paschatis recitandum. Confirmatur hæc opinio: licet aliquis dicere potest officium alicuius Sancti loco Ferialis, ut cum pluribus docet Dian. P. 1. Tr. 12. Resol. 3. Ergo & Resurrectionis.

Resp. Confessariū opinioni Felicis accommodate se non posse, nec debere, cū nullā habeat

pro